

Bachelorinngorniarnermiit kandidatinnngorniarnermut ingerlaqqittut

Piffissami 2003-miit 2023-mut bachelorinngorniarnermiit kandidatinnngorniarnermut ingerlaqqittut pillugit kisitsisit kisitsisaataasivimmi nassaassaalerput. Kisitsisini ilisimatusarluni bacheloritut ilinniakkat pineqarput, taamaattumillu professionsbacheloritut naammassinnermiit ilinniaqqinnerit ilanngunneqangillat.

Bachelorinngorniarnernit naammassineqartut amerlassusaat kisitsisaataasivimmi kisitsisinut sammisamut assingusunut naleqqiullugit annikinnerupput. Ilinniartooq ukiuni naammassiffiusuni tamani 1-2 pct.-inik annertussuseqarpoq. Taamaattumik bachelorinngortut kandidatinnngorniarnermullu ingerlaqqittut annertussusaat ukiumiit ukiumut nikerangaatsiarsinnaapput.

Eqikkaaneq

Tabeli 1: Ilisimatusarluni bacheloritut naammassinninnermiit ukiut marluk qaangiunnerinit kandidatinnngorniarnermut ingerlaqqinneq, suiaassuseq malillugu; 2023-mi bachelorinngortut

Suiaassuseq	Suli ingerlatsisut	Naammassisimasut	Unitsitsisut	Aallartitsisimangitsut	Katillugit
Angutit	8	2	3	9	22
Arnat	16	6	6	6	34
Katillugit	24	8	9	15	56

Nalunaarut: Professionsbachelorit kisitsisini ilanngunneqangillat.

Najoqqutaq: Kisitsisaataasivik – Kisitsisaataasivimmi kisitsisit takukkit (<https://bank.stat.gl/UDNTRBA1>).

Periaaseq

Siunertaq

Kisitsisini paasissutissani matumani siunertaavoq ilisimatusarluni bacheloritut naammassisimasut qanoq amerlatigisut ukiut 1-10 ingerlanerini kandidatinnngorniarnermut ingerlaqqittarnerisa naammassinnittarnerisalu kisitsisitigut takusassiarineqarnissaat.

Nalunaarsuutit tunngaviusut

Piffissami 2003-miit ullumikkumut ilinniakkanik aallartitsisunut, ilinniakkanik ingerlatsisunut ilinniakkanillu naammassinnissimasunut nalunaarsuisarfiit tunngavigalugit kisitsisitigut paasissutissat suliarineqarput. Kisitsisini ilisimatusarluni bacheloritut ilinniakkat pineqarput, taamaattumillu professionsbacheloritut naammassinnermiit ilinniaqqinnerit nalunaarsuutini tunngaviusuni ilanngunneqangillat.

Periaaseq

Ilisimatusarluni bachelorinngorniarnermik naammassinnissimasut ukioq naammassiffigisimasaannit ukiut 1-10 qaangiunnerini ilinniakkamik aallartisisimasut, naammassinnissimasut sulilu ingerlatsisut nalunaarsuisarfiini ataatsimut ingerlanneqarput.

Ukiut tamaasa ukiumi pineqartumi ilinniartut suli ilinniakkamik ingerlatsisutut imaluunniit ukiut kingulliit ilaanni ilinniakkamik naammassinnissimasutut killiffilerneqartarput. Ilinniartut suli ilinniakkamik ingerlatsisutut imaluunniit naammassinnissimasutut nalunaarsorneqarsimangitsut "unitsitsisimasutut" killiffilerneqarput. Ilinniarnertuunngoreernerup kingorna ilinniakkamik aallartisisimangitsut "aallartisisimangitsutut" killiffilerneqarput.

Killiffiliinermut piffissaq

Bachelorinngoreernermi ukiut qaangiuttut amerlassusaat atorineqarpoq, ilinniakkap killiffia 31. decembarimi naatsorsorlugu.

Ilinniakkap qaffasissusaa

Ilinniakkat qaffasissusaa International Standard Classification of Education 2011-meersoq malillugu immikkoortiterneqarput. Naatsorsueqqissaartarfiup ilinniartitaanerup iluani taaguutit pillugit saqqummersinnikuusaani ilinniakkami pineqartumi imaluunniit ISCED-i malillugu immikkoortiterinermi ilinniakkat suut pineqarnersut takuneqarsinnaapput. Taassuma saniatigut Naatsorsueqqissaartarfik Kalaallit Nunaanni ilinniakkat, ilinniakkap qaffasissusaa malillugu, immikkoortiternerat takussutissiaraa. Taaguutit takussutissiarlu www.stat.gl -imi Ilinniartitaanermut tunngasut ataanni nassaarineqarsinnaavoq. Saqqummersitami kingullerpaami Periaatsimut immikkoortoq takuuk.

Ilinniakkap killiffia

Ukiup kisitsiviusup naanerani ilinniartup ilinniarnermi killiffianut atorineqarpoq. Ilinniakkap killiffiani naatsorsuutit atorineqartut tassaapput:

- suli ingerlatsineq
- naammassinnissimaneq
- unitsitsisimaneq
- aallartisisimanginneq

Naatsorsuineq

Ilisimatusarluni bachelorinngorniarnermiit kandidatinnngorniarnermut ingerlaqqittut kisitsisitigut paasissutissaat bachelorinngorniarnermik

naammassinninnermiit ukiut 1-10 qaangiunnerini sulii ingerlatsisut, naammassinnissimasut, unitsitsisimasut imaluunniit aallartitsisimangitsut amerlassusaattut naatsorsorneqarput.

Kisitsisit suaassuseq malillugu naatsorsorneqarput.

Killiliinerit erseqqissagassallu

”Unitsitsinnermut” killiffimmi ilinniakkamik unitsitsigallartut ilaapput.

Kisitsisini paasissutissani ilisimatusarluni bachelorinnngorniarnermik naammassinnissimasut, kiisalu ilinniarnernup ingerlanerani Kalaallit Nunaanni ilinniagaqarnersiuteqartitsivimmiit ilinniagaqarnersiuteqarsimasut aamma/imaluunniit immikkut tapiissuteqarfigineqarsimasut pineqarput. Bachelorinnngoreernerullu kingorna tamanna avaqqallugu ilinniaqqissimasut “aallartitsisimangitsutut” killiffilerneqarput.

Ilisarnaatinut nassuiaatit:

... Paasissutissat pigineqanngillat

.. Paasissutissat tatiginangitsut ilisarinnilersitsinnaasulluunniit

. Kisitsisitaqarsinnaangitsut

0 Affaanit mikinerusut

- Nul

* Kisitsisaagallartut imaluunniit missingersuut

Saaffiginniffissaq

Jonas Petersen

jope@stat.gl

Ilinniartitaaneq

Naatsorsueqqissaartarfik

Postboks 1025 · 3900 Nuuk

Tlf.: +299 34 57 70

www.stat.gl · e-mail: stat@stat.gl

